



Sabtu, 25 November 2023

Ogen: Johanes 8:11



Mulihlah! La Kam Ku Ukum



Setiap tanggal 25 November selain hari guru, wari e pe iperingeti hari anti kekerasan man diberu internasional. Latarbelakana erkiteken lit kejadiin pembunuhan Mirabal ersenina i bas tanggal 25 November 1960. Telu aktivis diberu arah Republik Dominika ibunuh arah persuruhan perintah paksa si e, Rafael Trujilo (1930-1961). Kekerasan nangdangi diberu e me: kekerasan arah pasangan (KDRT), kekerasan ras pelecehen seksual, perdagangan diberu, mutilasi alat kelamin diberu ras pernikahan anak di bawah umur. Kekerasan e turah i bas erbage-bage dampar kegeluhen subuk arah sosial budaya, ekonomi, politik bage pe diskriminasi.

I bas Joh. 8:1-11. Diberu isudutken guna pepuaskan sura-sura dilaki si iwakilken kalak Parisi ras jelma si enterem. Usaha penghakimen nandangi diberu si erlua-lua e situhuna la adil. Adi terdat erlua-lua maka arus ibenteri alu batu. Bagekin hukum si erdalan paksa si e. Tapi labo man diberu saja, atan pe dilaki si jadi temanna erlua-lua e. Si jadi, diberu si terdat erlua-lua e ngenca ibaba man Jesus, si dilaki la ibaba. Em perbahanen si la bujur nangdangi diberu. Tapi Jesus mpepinter perukuren kalak si ngaduken diberu e, niNa, "apai kam si langa pernah erdosa, ialah lebe menterisa" (Joh. 8:7). Jesus mereken pengajaren uga pentingna nehken keadilan. Uga maka diberu ngenca iaduken, si dilaki lang. Buah keleng ate Jesus, iberekenNa pengampunen si ndungi kerina persoalen. Ialemi Jesus diberu e janah ipersingetiNa gelah ulanai erbahan si la ngena ate Dibata. Jesus ncidaken uga pentingna nehken keadilan nangdangi diberu. Ngalemi salah e me praktek engkelengi. Kerina tinepa Dibata perlu ndatken keleng ate, atan i je diberu si itepa Dibata jadi sekalak sinampati. E maka keke lah kam kerina diberu, gejaplah maka Dibata nehken keadilanNa man bandu. Erjuang ngelawan kekerasan man diberu. Siergan kam gelah tetap kam mehaga i bas kegeluhen enda!